

جَزَائِر مَحَاكِم

جمهورية الجزائرية

نومرو	شوال	سنة	شباط	سنة	صفحة
١٠١٨	١٤	١٣١٦	١٣	١٣١٤	١٤٦٠٥

(اسبوع فزته بهر هفته جمعة ايرتسى كوندرى ميقرار . نه لى در سعادت ايجونه مجيدية بكرى فروسه)
 (مساييد التمه فروسه . طشه ل ايجونه اوده بيه فروسه بونه اهرتى ضم اولنور . بهر)
 (نسفسي يه مجيدية بكرى فروسه اولوه اوزره يوزياره به هر برده صايلور . درج اوله بهر اعطائلك)
 (هر برنده بهر مجيدية اخذ اولنور . نه لكه مشترى اولوه استياندر عدليه نظارتى داره سنه فاشه جريد)
 (لماكم اداره نه مراجعت ابله لير .)

قسم غير رسمى

سورمه بدايت محكمه سندن ٢٥ مارت سنة
 ٣٠٧ تاريخى وايكى عددى ايله ويريلاان اعلامك
 تميزنى استدها اين سورمه قضاسنه تابع
 خاندوز قريه سى اهاليسندن محمد رئيس ايله
 مدعى عليه قريه مذكوره ساكن حسن اغا
 يوم معينه دائره به كجد كلرنندن اصول محاكمة

اعلام مذكورك خلاصه مالى مومى اليه
 محمد رئيس قريه مذكوره كائن بر قطعه
 مغازمك التى حصه اعتباريله بر حصه سنى متصرفى
 بولنان مرقوم حسن اغادن بدل مقبوض مقابلنده
 قفرغ ايلديكى حالد مرقوم طرفندن مداخله
 اولتمقده اولديقتندن بحثله مذكور حصه لك
 طايوسنك اعطاسيله مداخله واقعه لك منعنى

یا خود ثمنك مرقوم حسن افادن تحصیلنی طلب
ودعوی و بر قطعه سند ابراز واعطا ایتمی
ومدعی علیه حسن دخی مذکور سندك ناطق
اولدینی اچیهی المدینفی مدافعه بیان وادعا ایتسی
اوزرینه اولباده اجرا قلنان محاکمه و تدقیقات
نتیجه سنده مذکور حصهك رسماً معامله
لازمه سی اجرا ایدلدیکی طرفینك افادات
واقعه سندن اگلا شلمش و مذکور بیع و شرا مجله
جليلهك بیک التیوز التمش سکنزنجی ماده سندنك
فقره اخیر سیله املاك صرفه ایچون دفترخانه دن
ویریلجك سنداته دائر اولان نظامنامهك برنجی
واون برنجی ماده لری موجبجه غیر معتبر اولدینی
کبی مبرز سندله دعوی اولنان مبلانی دخی مدعی
علیه حسن قطعاً انکار ایتمکده بولنمش اولسنه
ومذکور سندك جمله مندرجاتی اشترا اوله جق
مغازه حقنده معامله نظامیهك اجرا قلنه جنی
تعهدندن عبارت بولنسنه نظراً مدعی محمد
رئیسك بوخصوصدن طولانی مدعی علیه حسنه
اچیه ویردیکنه یقین حاصل اوله مامش و مرقوم
حسن طرفندن ادعا اولنان درتیک اوچوز
سکسان غروشی حاوی سندك مواضعه صورتیه
ویرلدیکی استماع اولنان شهودك شهادت واقعه لریله
نابت اولمش اولدیفنه بناء دعوی واقعهك ردینه

حکمدن واشبو حکم علیه سنده مستدعی تمیز محمد
رئیسك لایحه سنده محرر باشلوجه اعتراضی بیع
واقع سنده مربوط اولدیفندن مدعی علیه
حسنك مذکور سنده قارشو درمیان ایلدیکی
مواضعه دعواسنی اقرار و یا خود بر سند ایله
اثبات ایتسی لازم کلور ایکن محکمه ججه بوراسی
نظر دفته الخیره ق مواضعه دعواسی حقنده
شهود استماعیه بر منوال محرر حکم اولنمش
مخالف قانون اولدیفندن اعلام مذکورك نقضی
استدعاسندن و مدعی علیه حسن افانك لایحه سنده
مندرج نتیجه جوابی دخی مذکور سندك ناطق
اولدینی اچیه دن کندوسی بر اچیه المدینفی جهته
اعتراضات واقعهك واهی و بی اساس ایدوکی
بیانیله ردی و موافق قانون اولان اعلامك
تصدیقی طلبندن عبارت بولنمشدر

ایجابی لدی المذاکره اعلام مذکور مآلندن
اگلا شلدینی اوزره مرقوم محمد رئیسك حسن
افادن ثمن معلوم مقابلنده اشترا ایلدیکنی ادعا
ایلدیکی مذکور مغازه ده کی حصه سندن کندو
عهده سنده اجرای قیدی و یا خود ثمنك تحصیل
دعواسنده استناد ایلدیکی سنده موضوع امضای
مرقوم حسن افا اقرار اعترافله برابر مبلغ
مزبور مدینفی حالده سند مذکور ویرمش

اولدیفنی بیان ایله اقرارنده کاذب اولدیفنی مدافعه
ادما ایتمش اولسنه نظراً دعوی واقعه ده شهود
شخصیه استماعنه لزوم اولیوب یالکز مدعی علیه
مرقومك اقرارنده کاذب اولدیفنه دائر مدعی به
برمین تکلیفی لازم کلورکن محکمه ججه بوداثره
قانونیه ده اجرای معامله اولنمیره ق شهود شخصیه
استماعیه مدعینك رد ادعاسنه قرار ویرلسی
یولسز و اصول و قانونه مغایر اولدیفندن اصول
محاکمه حقوقیه قانونك ایکوز اوتوز ایکنجی
ماده سی موجبجه اعلام مذکورك تفضیل قانون
مزبورك ایکوز قرق دردنجی ماده سی حکمه
توفیقاً کیفیتك صورت مشروحه دائره سنده
یکیدن بالرؤیه اعلامه ربطی ضمنتده محکمه
مذکوره به اعاده سنه وزیرده مفرداتی مرقم
اوچوز التمش بحق غروش مصارف محاکمهك
ایلروده حقسز حقیقه جق طرفه رجوع ایتمک
اوزره اول امرده مستدعی تمیزدن اخذینه ۲۳
شباط سنه ۳۰۹ تاریخنده متفقاً قرار ویرلدی .

اعلام مذکورك خلاصه مآلی مرقومان
اسپریدو پایازا کی ایله مانول پایازا کینک بر قطعه
دین سندی موجبجه صارانا کی محمد ذمتنده
اله جقلری بولنان بشیک سکنز یوز غروشك
تحصیلانی دیونات عتیقه قومیسینی صفتنده بولنان
رسمو اداره مجلسنه بالمراجعه استدعا ایتملریله
مجلس مذکورجه اجرا قلنان تدقیقات حسابیه
نتیجه سنده مدیون مرقوم محمدك بیقدرت اولان
اسکی مدیونلردن اولدینی حالده طقوز بیک یوز
اوتوز اوچ غروش بورجی بولنمدینی تحقیق
ایتدکن صکره مرقومك فروخت اولنان املاکی

و مستدعی تمیز و کیلی حسین افانک اشبو حکم
 علیهنده کی باشلوجه اعتراضی کرید جزیره سینه
 مخصوص اولان اصول محاکمه حقوقیه
 نظامنامه سنک قرق ایکنجی ماده سنک فقره
 اولیسی حکمنجه دعاوی به متعلق اوراقل تبلیغی
 اجرا اولمخدجه مرعی الحکم اولهمیه جفی جهته
 محکمه استینافیه جه استیناف عر ضحانک تاریخ
 تنظیمه باقلیه رق تبلیغی تاریخچه اعتبار ایدلسی
 لازم کلور ایکن محکمه مذکور جه عر ضحانک
 تنظیمی تاریخچه وکیل وکالتی حائر اولمدینی
 بیانیه ردینه قرار ویرلمسی مغایر قانون اولدیغندن
 بحثله اعلام مذکورک نقضی استدعاسندن عبارت
 بولمخشد

ایجابی لدی المذاکره اعلام مذکور مآلندن
 اکلاشدیغی اوزره استیناف دعاویه وکیل اولان
 حسین افدینک استیناف عر ضحانلی امضا ایتدیکی
 تاریخچه وکالتی حائر بولمخدینی جهته عر ضحال
 مذکورک ردینه قرار ویرلمش ایسهده وکیل
 موسی الیهک مذکور استیناف عر ضحانلی تنظیمی
 تاریخچه وکالتی حائر بولمخسی اقتضا ایتوب حین
 استیناف دعاووده وکیل اولوب اولمدینی تدقیق
 قلمخی لازم کله چکنه کوره اوراق استینافیه نک
 مستأنف علیهمایه تبلیغی طلبنی حاوی اولان

اثمانندن یالکز بیک طقوز یوز اوتوز غروش
 مقبوضلری اوله رق اوست طرفی اولان اونیک
 یوز غروشک ذمتنده بورچی قالدیغی اکلاشلش
 اولسنه مبنی مبلغ مذکورک مزبور محمده کفالتی
 بولان صارانا کی احمددن مع فائض تحصیلنده
 رسمو بدایت محکمه سندن صادر اولان اعلام
 علیهنه مزبور احمد جانبندن کرید استیناف
 محکمه سنده تصدی اولنان استیناف دعواسی
 اوزرینه مستأنف علیهما استیناف استدعایه سینه
 واضح الامضا اولان صارانا کی حسن افدینک
 دعوی وکیللرندن اولمدینی کبی حین امضاده
 مستأنف جانبندن وکالتی دخی حائر بولمخدینی
 جهته استدعایه مذکورک ردینی طلب وادما
 ایللریله بوجهت حقنده جریان ایدن تدقیقات
 نتیجه سنده مستأنف مزبور استیناف عر ضحانلی
 اعطا ایدن وکیل حسین افدینی عر ضحال
 مذکور تاریخندن صکره توکیل ایتدیکنی عند
 المحاکمه اقرار و اعتراف ایدوب حالبوکه استیناف
 دعواسنه تصدی زماننده وکیلک صفت وکالتی
 حائر اولسی لازمه دن اوله رق استیناف استدعاسنک
 تبلیغی طلبنی مشعر اولان شرحی امضا ایتدی
 حالنده کی صفی اعتباره شایان کوریه مامش
 اولدیغندن استدعایه مذکورک ردینه حکمدن

اطه بازاری بدایت محکمه سندن ۱۹ تشرین ثانی
 سنه ۳۰۶ تاریخی و یوز اون عددی ایله ویریلان
 اعلامک تمیزیغی اطه بازارینک طیغیلر محله سنده
 مقیم مناو حسین اغا استدعا ایتمش اولدینی حالده
 یوم معینه دایره کلیوب میز علیه زراعت بانکسی
 اداره مرکزیه سی دعاوی وکیلی اوخانس
 افدینک ورود ایتمش اولمسیله ایضاحات
 شفاهیسی و باش مدعی عمومی معاونلرندن
 سعادتلو یورفا کی افدینک مطالعه سی استماع
 قلندقدن صکره تدقیقات تمیزیجه اجراسنه ابتدار
 اولندی

اعلام مذکورک خلاصه مآلی مزبور
 حسین افانک اطه بازاری بانق شعبه سینه برقطعه
 سند موجبیه دینی بولنان ایکیک اون اوج
 غروشک تحصیل حکمنی حاوی اطه بازاری
 بدایت محکمه سندن صادر اولان اعلام غیابی
 علیهنده مزبور حسین اغا اعتراض علی الحکم
 عر ضحالی اعطاسیله مستند ادعا اولان سنده
 موضوع مهر یله دینی انکار ایتمش اولمسیله
 تطبیقات قانونیه اجرا اولمخی اوزره اهل خبریه
 حواله مصلحت اولندقدن صکره اخیراً تعیین قلمنان

شرح تاریخچه کی صفته اعتبار اولمخی لازم کلور
 ایکن محکمه استینافیه جه وکیل موسی الیهک
 استیناف عر ضحانک تحریری تاریخچه وکالتی
 حائر اولمدینی بیانیه استیناف استدعاسنک ردینه
 قرار ویرلمسی پولسز و اصول و قانونیه مغایر
 و مستدعی تمیزک اعتراضی دخی بوجهته متدائر
 اوله رق موافق نفس الامر کورنمش اولدیغندن
 اصول محاکمه حقوقیه قانوننک ایکوز اوتوز
 ایکنجی ماده سی موجبیه اعلام مذکورک تقضیه
 قانون مزبورک ایکوز قرق دردنجی ماده سی
 حکمنه توفیقاً کیفیتک صورت مشروحه دایره سنده
 یکیدن بالرؤیه اعلامیه ربطی ضمننده محکمه
 مرقومه به اعاده سینه وزیرده مفرداتی مرقم
 درتیوز طقسان سکز غروش مصارف تمیزیغینک
 ایلروده حقسنر چیقجق طرفه رجوع ایتک
 اوزره اول امرده مستدعی تمیزدن النسخه ۱۷
 نیسان سنه ۳۰۹ تاریخچه متفقاً قرار ویریلدرک
 تفهیم قلندی .

کونده معترض مزبورک ورود ایتماسی جهتیه وکیل
مسخر حضوریه جریان ایدن محاکمه نتیجه سنده
سند مذکورده موضوع مهر و امضاتک معترض
مزبور حسین اغانک اولدینی اکلشلیدینه بناء
مجلسه نیک التیوز اونچی ماده سی موجبیه
مبلغ مذکورک لیرا یوز اوتوز فروش حسابیه
مزبور حسین اغاندن مع قاضی تحصیلنه و اعلام
غیایینک تصدیقه حکمدن و مستدعی تمیز حسین
اغانک اشبو حکم علیهنده لایحه سنده محرر
اعتراضاتنک باشلوجه سی دعوی واقعه مواد
مستجله دن اولدینی حالده کونی کونه دعوتیه
تبلیغ ایدلسی وسند مذکور حقنده اجرا
ایدیلان تطبیقات واستکتابک قانونه مغایر صورته
اجرا قلمسی مغایر قانون اولدیغندن بحثله
اعلامک نقضی و میز علیه بانقه وکیلنک نتیجه
جوابی دخی اعتراضات واقعه نیک واهی و بی
اساس اولدینی بیانیه ردی و اعلام مذکورک
تصدیق استداسندن و معاون مومی الیهک
مطالعہ سی دخی مستند ادعا اولان سند عیناً
و یا خلاصه اعلام میزیه درج ایدلامش و مدعی
عمومی استماع قلماش اولمغه اعتراضات واقعه نیک
موافق قانون اولدینی بیانندن عبارت بولنمشدر

اخذ واستیفاسی لزومه ۱۵ مایس سنه ۳۰۹
تاریخنده متفقاً قرار ویریلهرک تفهیم قلندی .

بوردور بدایت محکمه سندن ۸ کانون ثانی
سنه ۳۰۷ تاریخی و سکسان درت عددی الیه
ویریلان اعلامک تمیزی استدا ایدن بوردور
قصبه سنک درسلاک محله سنده مقيم حلواجی ولی
اغا الیه مدعی علیه محله مذکورده اها لیسندن
جزایری زاده حمدی اقدی یوم معینده دأره یه
کلدکلرندن اصول محاکمه حقوقیه قانون موقتک
ایکیوز یکریمی طقوزنجی ماده سی موجبیه
تدقیقات تمیزیه اجرا سنه ابتدار قلندی

اعلام مذکورک خلاصه مالی مزبور
حلواجی ولی اغا الیه مشترکاً شخص اخردن
تقرغ ایلدکلری بر باب خانه نیک حین تفرغ
و تقسیمده قارلق و لغورلق اولقی اوزره براقده کلری
معلوم المقدار عرصیه مزبور ولی اغا طرفندن
فضولی خانه احداث اولندیغندن بحثله مذکور

خانه نیک هدمی مومی الیه حمدی اقدی طرفندن
طلب و دعوی اولنمسنه قارشو عندالحاکمه
مدعی علیه ولی اغا دخی کندوسی مذکور
خانہ یی زعم شرعی سببیه احداث ایدوب
خانه نیک قیمتی دخی عرصه نیک قیمتندن ازید
بولندیغی جهتله هدمی ایجاب ایتیه جکفی مدافعه
درمیان ایتیش ايسده مذکور عرصه نیک طرفین
بیننده مشترک اولقی اوزره ترک ایدلیدی مومی
الیه حمدی اقدینک اجرا قلنسان تحلیفیه ثابت
وبناء علیه مزبور خانه نیک فضولاً احداث
ایدلیدی متحقق اولسنه بناء خانه مذکورک
هدمیه عرصه سنک کما کان هر ایکی طرف بیننده
مشترکاً استماله حکمدن و مستدعی تمیز ولی
اغانک اشبو قرار علیهنده لایحه سنده محرر
باشلوجه اعتراضاتی منازع فیه خانه نیک زعم
شرعی سببیه احداث ایدلیدی یولنده درمیان
ایدلیدی مدافعاتنک بلا اسباب موجبیه ردینه قرار
ویرلسی مخالف قانون اولدیغندن بحثله اعلامک
نقضی استداسندن و مدعی علیه حمدی اقدینک
لایحه جوابیه سنک نتیجه مندرجاتی دخی خانه
مذکورک احداثده زعم شرعی بولندیغی اصولاً
ثابت اولسی جهتیه موافق قانون اولان اعلامک
تصدیق طلبندن عبارت بولنمشدر

ایجابی لدى المذاکره اعلام مذکور
مطالعہ سندن منہم اولدینی اوزره منازع فیہ
خانہ نک احداث ایدلیدکندن بختله ہمدی حقندہ
مومی الیہ ہمدی افندی جانبندن سبق ایدن
ادعاہ قارشو مرقوم ولی افانک خانہ مذکور
سبب ملک اولور زعم شرعی الیہ احداث
ایدلیدکنی مدافعہ درمیان ایتسنہ نظراً بجلہ نک
طقوز یوز التجی مادہ سنک فقرہ اخیرہ سندنہ
کوسترلیدیکی وجہلہ مذکور خانہ نک امر
احداثندہ سبب ملک اولور زعم شرعی اولوب
اولدینی و خانہ نک قیمتی عرصہ نک قیمتندن فضلہ
بولوب بولمیدینی اصولی دائرہ سندنہ بالتدقیق
تبین ایدہ نک حالہ کورہ مادہ مذکورہ یہ توفیقاً
کیفیتک تحت حکم و قرارہ التمسی مقتضی ایکن
بویولہ اجرای معاملہ اولنمیرق بلا اسباب
خانہ نک ہمدنہ قرار ویرلسی اصول و قانونہ مغایر
اولوب مستدعی تمیز ولی افانک اعتراضی شایان
قبول کورلیدکنہ بناءً اصول محاکمہ حقوقیہ
قانون موقتک ایکوز اتوز ایکنجی مادہ سی
موجبہ اعلام مذکورک تقضیلہ قانون مزبورک
ایکوز قرق دردنجی مادہ سی حکمنہ توفیقاً
کیفیتک صورت مشروحہ دائرہ سندنہ یکیدن
بالرؤیہ اعلامہ ربطی ضمتندہ حکمہ مذکورہ یہ

دوہ لولی احمد قلفہ ذمتندہ محکوم بہ الہ جفتک
تأمین استیفاسی ضمتندہ دائرہ اجرا معرفتہ
تحت حجزہ الیدردینی حیوانات واشیا میانندہ
یکرمی بش رأس طوارک کشیش اوغلی اغوب
اجرا مأموریلہ داینک معلوماتی اولقسزین ہر
چفتنی بشر مجیدی یہ اشترا ایدلیدکندن بختله
اغنام مذکورہ موجود ایسہ عیناً و مستهلک
اولدینی تقدیردہ ہر چفتک بشر مجیدین ضمتاناً
مرقوم اغوبدن تحصیلنی طلب و دعوی ایتسنہ
قارشو مدعی علیہ اغوب دخی مذکور طوارلری
مصطفی و یعقوب نام کسنہ لردن صاتون الوب
محجوز اولدینی و مدیونک زوجہ سی دونہ خاتون
طرفندن صاتلیدینی اولجہ استخبار ایدہ میوب
صکرہ دن ایشتمش اولدینی و کندوسنک مرقومان
مصطفی و یعقوبہ مراجعتی باقی ایدوکنی مدافعہ
درمیان ایتسی اوزرینہ مرقومان مصطفی و یعقوب
شخص ثالث صفیلہ داخل دعوی ایدیلہ رک
وقوعبولان انکارلری حسیلہ مدعی علیہ
اغوبک مذکور طوارلری کندولرینک
صاندقلرینی اثبات ایدہ میوب طالب تحلیف
اولقدن صکرہ یمن ویردیرمیہ جکنی سوبلش
اولسبیلہ اولبابدہ اجرا قلنان محاکمہ و تدقیقات
تیجہ سندنہ مرقوم اغوبک ذکر اولنان طوارلری

محجوزاً صاتون الیدینی اقرار الیش اولسنہ
و محجوزک دائرہ اجراہ رخصت ویرلمدیکہ
مبايعہ و اشترا سی قانوناً موجب ضمان اولسنہ بناءً
مذکور یکرمی بش رأس طوارک عیناً و یا بدلاً
مع فائض مرقوم اغوبدن تحصیلہ برابر حکم
واقعت موقہ اجراسنہ قرار ویرلیدکندن
و مستدعی تمیز اغوبک لایمحسندہ محرر باشلوچہ
اعتراضی مذکور حیوانلری مال محجوز اولدینی
بیلہ رک الیدقنہ دائرہ برکونہ اقراری واقع اولدینی
حالہ محجوز اولدقلرینہ بالآخرہ کسب اطلاع
الیش اولدینی یولندہ کی افادہ سنک اقرارہ حملہ
برمنوال محرر محکوم ایدلسی و حکمک بر مادہ
قانونیہ یہ استناد ایدلماسی مغایر قانون اولدیندن
بختله اعلام مذکورک نقضی استدعاسندن
و مدعی علیہ حاجی احمد افانک لایمحسندہ محرر
نتیجہ جوابی دخی حکم اعلامک موافق قانون
بیانیلہ تصدیقی طلبندن عبارت بولنمشدر
ایجابی لدى المذاکرہ اعلام مذکور مآلندن
مستبان اولدینی اوزره منازع اولان طوارلرک
اجرا دائرہ سنجہ محجوز اولدقلری حالہ صاتلسندن
طولابی مشتری اغوب اغادن عیناً و یا بدلاً
تحصیلہ حکم اولنمش ایسہ مذکور طوارلرک
اجرا دائرہ سندن کیمک مالی اولہرق ونہ وجہلہ

حجزي ايدلد كاري و حجز موضوعك اصوله موافق
اولوب اولديني جهتلى تدقيق اوله رق تبين
ايدجك حاله كوره اساس ماده نك تحت حكمه
النمى اقتضا ايدركن بوجهتلى تدقيق و تحقيق
اولنمى نى ذكر اولنان طوارلك مشترى اغوب
اغادن تضمينه حكم اولنمى يولسز و اصول
و قانونه مغاير كورنمى اولديغدن اصول محاكمه
حقوقيه قانونك ايكوز قرق برنجى ماده سى
موجبجه اعلام مذكورك تفضيله قانون مزبورك
ايكوز قرق در دنجى ماده سى حكمه توفيقاً
كيفيتك صور مشروحه دائره سنده يكيدن بالرؤيه
اعلامه ربطى ضمننده محكمه مرقومه به اعاده سنده
وزيرده مفرداتى مرقم در تيوز طقوز بحق
غروش مصارف تميز به نك ايلروده حق سز
چيقه جق طرفه رجوع ايتك اوزره اول امرده
مستدعى تميز اغوب اغادن النمس ۱۶ كانون اول
سنه ۳۰۹ تاريخنده متفقاً قرار و يرلدى .

جانيك بدايت محكمه سندن ۲۲ نيسان سنه
۳۰۹ تاريخى و بش عددى ايله صادر اولان
اعلامك تميز نى استدا ايدن صامسونك سمعى
بك محله سنده مقيم تبعه دولت عليه دن وزراعدن
كيره سى اوغلى لازارى ايله مدعى عليه محله
مذكوره ده مقيم بقال اصافدن اناستاس اوغلى
ياقوف يوم معينه دائره به كلكردن اصول محاكمه
حقوقيه قانونك ايكوز كرمى طقوز نجي ماده سى
موجبجه تدقيقات تميز به اجرا سنده استدار اولدى

اعلام مذكورك خلاصه مالى مرقوم
ياقوف عربكلى محمد چاوشك مزبور لازارى
ذمتنده با اعلام محكوم به الهجنى اولان معلوم
المقدار مبلغك تأمين استيفاسى ضمننده مديون
مرقومك اوچوز بش سنه سى دخان محصولى
با معرفت اجرائيه حجز اولنمى ايسه ده اعلام
مذكورك مرقوم لازارى جانبندن تميزى استدا
ايديله رك عند التميز حق سز چيقدينى حاله مبلغ
محكوم بهك ايفاسنه كندوسى كفالت ايتمش
اولسيله حسب الكفاله مبلغ مدعا به اولان بيك
بشيوز ايكي غروشى دائره اجرايه تسويه ايتمش
اولديغدن بختله مبلغ مذكورك اجراى موقته
برابر مرقوم لازاريدن تحصيلنى طلب و دعوى

واولبايده كى كفالت سندن ابراز و اعطا ايتسنه
قارشو مدعى عليه لازارى دخى توتون بدلندن
طولاي رضى اداره سندن اولان الهجنى اجرا
جانبندن تحصيل اولنمى و اول صره ده مرقوم
ياقوف دخى كندوسنه كفيل اوله رق مبلغ
مزبورى دائره اجرا دن الوب مؤخرأ مبلغ
مزبور اجرا مأمورلى جانبندن طلب اولدوقده
بتكرار اعاده ايتمش اولديغدن مرقومك اجرايه
تأديه ايتديكى مبلغ اساساً كندوسنك توتون
اچقه سى اولديغنى مدافعه بيان و انبا ايتسى
اوزرينه اولبايده اجرا قلنان محاكمه و تدقيقات
نتيجه سنده مرقوم ياقوفك دعواسى كفالت سنده
مستند اولوب سنده قارشو درميان اولنان
ادعاك سندا اثباتى اصول محاكمه حقوقيه
قانونك ماده مخصوصه سى احكامندن اولدينى
كبي مزبور لازارى سندا اثبات مدعان اظهار
عجز ايله برابر اولبايده طالب تحليف دخى
اولامش اولديغنه بناء مبلغ مزبورك مرقوم
لازاريدن تحصيلى حقنده و يرلان اعلام غيايى
عليهنده اعطا قلنان اعتراض الحكم عرضالى
اوزرينه تصديقه حكمن و مستدعى تميز
لازارينك اشبو حكم عليهنده لايحه سنده محرر
باشلوچه اعتراضى و قوعبولان مدافعاتك سنده

قارشو بولندينى بيان اولنور ايسه ده سندن مذكور
احكامنك خصمى ياقوفك اولبايده و قوعبولان
اقرار و اعترافيله و اجرا مأمورينك شهادتيله
مفسوخى تحقيق تحقق ايتمش و اولوجهله محكمه به
دخى قناعت كامله حاصل اوله رق كيفيت اعضادن
يورفاكى اقدى به حواله اولنمى اولدينى حاله
بر نتيجه حاصل ايتديركسز نى اعلام غياييك
تصديقه قرار و يرلى مخالف قانون اولديغدن
بختله اعلامك نقضى استداسندن و مدعى عليه
ياقوفك لايحه سنده مندرج نتيجه جوابى دخى
سنده قارشو درميان اولنان بر ادعاك ينه سنده
اثباتى اصول محاكمه حقوقيه قانونك ماده
مخصوصه سى احكامندن اولسنه نظراً اعتراض
مذكورك واهى اولدينى بيانيله ردى و اعلام
مذكورك تصديقى طلبندن عبارت بولنمشدر
ايجابى لى المذاكره اعلام مذكور
مطالعاه سندن اكلاشدينى اوزره مدعى ياقوفك
جهت كفالتدن و يرمش اولدينى بيك بشيوز
كسور غروشى مدعى عليه لازارينك مالندن
مقدما اخذ ايتمش اولديغنى اقرار ايله برابر
مدعى عليه ده ديكر الهجنى اولدينى بيانيله مبلغ
مأخوذى ديكر الهجغه تقاض و محسوب ايتديكى
دعوى و مدعى عليه ايسه مدعى به ديكر جهتن

بورجی اولدینگی بیان ایله مدعینک دعواسنی انکار ایتمسینه نظراً مدعینک مدعی علیه دیگر جهندن مطلوبی اولدینگی اثبات ایتمی اقتضا ایدر ایکن بودائرة قانونیهده اجرای معامله اولنمیوب مدعینک ابراز ایلدیکی کفالت سندینی مدعی علیه اقرار ایتمش اولسنه بناء مدعی علیه محکوم ایدلسی یولسز و اصول و قانونه مغایر اولدیندن اصول محاکمه حقوقیه قانوننک ایکوز اوتوز ایکنجی ماده سی موجبجه اعلام مذکورک قضیله قانون مزبورک ایکوز قرق دردیجی ماده سی حکمنه توفیقاً کیفیتک یکیدن بالرؤیه اعلامه ربطی ضمیمه محکمه مذکورهیه اعاده سنه وزیرده مفرداتی مرقم درتیوز اون درت بحق غروش مصارف محاکمه نک ایلروده حقسنر چیقہ جق طرفه رجوع ایتمک اوزره اول امرده مستدعی تمیزدن اخذینه ۲۲ تشرین اول سنه ۳۱۰ تاریخنده متفقاً قرار ویرلدی .

آیدین استیناف محکمه سندن ۱۲ کانون اول سنه ۳۰۸ تاریخی ویتیش بش عددی ایله ویریلان اعلامک تمیزی استدا ایندن آیدین قصبه سنک سرای ایچی محله سنده مقیم خلیل افندی زوجہ سی الفت خانم ودرسعادتہ ساکن فندقلی واپور هایونی چرخچیلرندن ملازم مراد افندی ایله میز علیه قصبه مذکورهده متمکن صو یولجی زاده حافظ احمد افندی یوم معینده دائرہ کدکلرندن اصول محاکمه حقوقیه قانون موقتک ایکوز یکرمی طقوزنجی ماده سی موجبجه تدقیقات تمیزیہ اجرا سنه ابتدار اولندی

اعلام مذکورک خلاصه مآلی طرفین بیننده متحدت دعوایه دایر محکمه مرقومه دن ویریلان اعلام غیابی علیهده مومی الیہما الفت خانم و مراد افندی طرفلرندن اعتراض علی الحکم عرضحالی اعطا اولدینگی حالده یوم معینده اجابت اولنماسینه مبنی اصول محاکمه حقوقیه قانون موقتک یوز الی طقوزنجی ماده سی موجبجه عرضحال مذکورک ردینہ قرار ویرلدیکندن و مستدعیرک اشبواعلام علیهده لایحه لرنده محرر باشلوجه اعتراضلری منازع فیہ باغچیه کندولرینک تصرفلری سند خاقانی و قیود رسمیهیه مستند

اولدینگی حالده محکمه مرقومهجه بوراسنه دقت اولنمیرق برمنوال محرر حکم اولنمسی مغایر قانون اولدینندن بمثله اعلام مذکورک قضی استدا سندن و مدعی علیه لایحه سنده مندرج نتیجه جوابی حکم واقع موافق قانون اولوب اعتراضات مسروودنک واهی اولدینگی بیانیله اعلامک تصدیقی طلبندن عبارت بولنمشدر

ایجابی مذاکره اولندقدہ اعلام مذکور مآئندن اکلاشدینگی اوزره دعوا ی واقعہ حقندہ اولجه محکمه مرقومه دن صادر اولان اعلام غیابی علیهده مومی الیہما مراد افندی و الفت خانم طرفلرندن اعطا قلنان اعتراض علی الحکم عرضحالک ردینہ قرار ویرلمش ایسه ده اعتراض علی الحکم اوزرینہ تنظیم واعطا و تمیزی استدا قلنان اعلام مذکوره اعلام غیابی مزبورک عیناً و یا خلاصه درج و تمیق اولنمسی لازمہ دن اولدینگی حالده محکمه مذکورهجه بولزوم قانونیہ رعایت اولنماسی یولسز اولدینگی کبی اوراق تمیزیہ میاننده بولنان اعلام غیابی مذکور مندرجاتنه نظراً مومی الیه حافظ احمد افدینک منازع فیہ باغچیه کنیدیسی مقدم تاریخله مزبورہ زلیخا خانمندن اجرا دائرہ سی معرفتله اشترا ابتدیکنی دعوی و مدعاسنی شہادت ناقصه ایله اثبات ایتمش

ایسه ده مومی الیہما مراد افندی و الفت خانمک مذکور باغچیهی مجلس اداره ده بایعه مزبورہ دن اصولی دائرہ سنده اشترا و تفرغ ابتدکلری اولبایده ابراز اولنان سند خاقانی و قیود رسمیه ایله ثابت اولسنه کوره ارہ دن چند سنه مرور ابتدکدن صکرہ مدعی مومی الیهک برمنوال محرر مقدم تاریخله شرا ادعاسی نظر قانونده شایان التفات اولمیه جفی درکارایکن محکمه مذکورهجه بوراسنه دخی دقت اولنمیرق برمنوال محرر حکم اولنمسی قانونه مغایر کورندیکنه بناء اصول محاکمه حقوقیه قانون موقتک ایکوز قرق برنجی ماده سی موجبجه اعلام مذکورک قضیله قانون مزبورک ایکوز قرق دردیجی ماده سنه توفیقاً کیفیتک صور مشروحہ دائرہ سنده یکیدن بالرؤیه اعلامه ربطی ضمیمه محکمه مذکورهیه اعاده سنه و مستدعیردن مراد افدینک ققر حالته دایر علم و خبر ابراز ایتمکله یالکز صورت خرجنک عفو یله زیرده مفردانی مرقم درتیوز غروش مصارف تمیزیہ نک ایلروده حقسنر چیقہ جق طرفه رجوع ایتمک اوزره اول امرده مستدعیردن اخذینه ۱۱ حزیران سنه ۳۱۰ تاریخنده متفقاً قرار ویرلدی .

اعلان

نظامیه اجرا داره سنه مراجعت ایملری تأکیداً
اعلان اولنور .

۲۶ کانون ثانی سنه ۳۱۴

مکوری احمد افانک با اعلام نظامی سینه
خام ذمتده محکوم به مطلوبی اولان مبالغه
تأمین استیفا سیچون مدیونه نك متصرفه اولدینی
بلاطده قره باش محله سنده دیک جاده سنده واقع
تخمیناً التمش بش آرشون عبارت سکر واون
نومرولره مرقم بر قطعه عرصه ده کی نصف
حصه سیله یه بلاطده حاجی عیسی محله سنده
سلطان چشمه سنده واقع تخمیناً یوز بش
آرشون عرصه اوزرینه مبنی اوج اوطیه
وتخمیناً درت یوز التمش اوج آرشون باغچی
ومشتملات ساروبی حاوی شهری ایکوز غروش
ایجارلی والتمش التی نومرولو احشاش بر باب
خانه مع باغچه ده کی نصف حصه سنک اون بش
کون صکره بالمزایده وفروخته تثبیت اولنه جنی
در سعادت اعلامات نظامیه اجرا دائره سنندن
اعلان اولنور .

۲۶ کانون ثانی سنه ۳۱۴

محمد رئیسک با اعلام نظامی یوزانت ولد
قابرل ذمتده جهت کفالتدن مطلوبی اولان
مبالغه تأمین استیفا سیچون لغده کاتب قاسم
محله سنده طاشجیلر ایچنده صو ترازوسی
زقاغنده واقع سنوی یکر می لیرا ایجار کتوریر
تخمیناً یوز التمش بش آرشون عرصه اوزرینه
مبنی نصفی احشاش ونصفی کارگیر مقدهما عرصه
الیوم التمش درت والتمش التی نومرولره مرقم
بر باب صوغالچی مغازه سنده معین ایجار تینلو
محلیله بروجه ملکیت دخانی کدکنک نصف
حصه لرنده مرقوم یوزانتک پدری قابرلدن
انتقالاً متصرف اولدینی وقف جهتدن ثلث
وملک جهتدن ایکی خمس حصه سی بوندن اقدام
لدی المزایده لیرا یوز غروش حسابیله اوچیک
بشیوز غروشده طالبی عهده سننده تقرر ایتمش
ویکیدن اوچینی دفعه اوله رق تجدیداً اوتوز بر
کون مزایده نك دوامی ایچون لزوم قانونی
کورلمش اولغله مذکور حصه لره یوزده بش
ضم ایله طالب اولانلرک یوزده اون پی ایچهلر یله
برابر مدت مذکور طرفنده در سعادت اعلامات

متوفی عصمت افندی ورثه سنک واسیل
ذمتده با اعلام الهجنی بولسان مبالغه تأمین
استیفا سی خمتنده وفاء مفروغ ومرهون اولان
در سعادتده بالق بازارنده شیخ محمد کیلانی
محله سنده حلواجی زقاغنده ۱۱ و ۱۴ نومرولی
بر باب بقال دکانیله اکا مربوط بر باب مغازه اولوب
الیوم قهوه دکانی درونلرنده بولنان مستقر بقال
کدکاتندن ایکوز قرق سهم اعتباریله یوز اون
بش سهمک بتکرار یدی سهم ترتیبیله متصرف
اولدینی بر سهم حصه سی تاریخ اعلاندن اعتباراً
اون بش کون صکره بالمزایده فروخته مبادرت
اولنه جنی اسکدار بدایت محکمه سی اجرا دائره سنندن
اعلان اولنور .

۶ شباط سنه ۳۱۴

احمد چاوشک قدر العزیز افندی ذمتده
با اعلام شرعی الهجنی اولان مبالغه معلومه نك
تأمین استیفا سی خمتنده محجوز ودر سعادت
بدایت محکمه سی برنجی حقوق دائره سنندن
ویریلان اعلامله فروختی محکوم بولنان شهزاده
باشنده دولاب زقاغنده واقع ایکی نومرو ایله
مرقم مفرز بری کیر و دیگری صغیر ایکی قطعه

عرصه یکر می درت سهم اعتباریله اون التی سهم
حصه شایعه سی بوندن اقدام مزایده یه قونیلهرق
لیرا عثمانی یوز غروشدن یدیک غروش بدل
ایله طالبی اوزرنده تقرر ایتمش اولدینندن یوزده
بش ضمیمه بوندن دها زیاده یه طالب اولانلرک
اشبو تاریخ اعلاندن اعتباراً اوتوز بر کون
ظرفنده اعلامات شرعیه اجرا دائره سنه
مراجعت ایملری دائره مذکوره دن اعلان
اولنور .

۶ شباط سنه ۳۱۴

قائینه قادینک بلور اوغلی جورچی ذمتده
با اعلام محکوم به الهجنی اولان معلوم المقدار
مبالغه تأمین استیفا سی خمتنده مدیون مرقومک
عهده تصرفنده بولنان فری قریه سننده چفته
جویزلر جاده سنده جنتمکان سلطان بایزید خان
ولی حضرتلری وقفندن سنوی یوز التمش ایچه
بدل عشر مقاطعه لو مکرر سکسان بر نومرولی
معلوم الحدود یکر می سکر دونه بر قطعه ترلا مع
باغچه ومشتملاتی بک اوغلی بدایت محکمه سی ریاست
اولیدی جانبندن اعطا بیوریلان قراره توفیقاً
تحت حجزه التمش اولغله تاریخ اعلاندن اعتباراً

در سعادت اعلا مات نظامیه اجرا دائره سندن
اعلان اولنور .

۸ شباط سنه ۳۱۴



مناو طودورينك ماريه به با اعلام محكوم به
ديندن طولاي قالمه حسن اغا محله سنده سلطان
بايزيد جاده سنده واقع تخميناً قرق آر شون
عرصه اوزرينه مبني شهرى بر ليرا ايجار كتورير
التمش التى نومرولى اخشاب برباب قهوه خانه ده
متصرف اولدينى ربع حصه سى التمش بركون
اجرا اولنان مزايده تيجيه سنده ليرا يوز غروش
حسابيله بشيوز غروشده طالبى عهده سنده
تقرر ايدرك موقتاً قرار داده سى كشيدى قلمش
اولمغه يوزده بش ضم ايله طالب اولانلرك
يوزده اون پي اچق لريله برابر اوتوز بركون
ظرفنده در سعادت اعلا مات نظاميه اجرا دائره سندن
اعلان اولنور .

۱۰ شباط سنه ۳۱۴

مطبعة عامره

اون بش كون صكره بالمزايده فروخته تشبث
اولنه جنى بك اوغلى بدايت محكمه سى اجرا
مأموريتى جانبندن اعلان اولنور .

۶ شباط سنه ۳۱۴



عائشه بحريه وخديجه حكمت خانلرك
يدرلى متوفى محمد رفعت اقدينك حاصلات
وقفيه دن اوقاف هايون خزينه جليله سى محكوم به
ذمتى اولان مبالغك تأمين استيفاسيچون خزينه جه
محجوز ومحمود پاشاده سردرى دايه خاتون
محله سنده موله طاشى زقاغنده واقع ومجموعى
تخميناً وتربيعاً اوچيوز طقسان آر شوندى عبارت
دروننده شهرى ايك يوز غروش ايجار كتورير
طقوز قطعه براقه پي حاوى بر واوچ وبش
ومكرر بش نومرولرله مرقم ويكديكره متصل
عرصه لرك يكرمى بش سهم اعتباريله متوفى
عهده سنده بولنان يدى سهم حصه نك اون بش
كون صكره بالمزايده فروخته تشبث اولنه جنى